

金史詳校

金史詳校卷十

烏程施國祁學

卷一百二十五

文藝傳上

序 取汴經籍圖 圖下當加書

韓昉 天慶二年中進士第一 遼天祚紀是年放進士  
韓昉等七十七人

乾文閣待制 燕雲錄丁未六月國裏朝廷指揮送南人  
八員爲太子伴讀令歸朝官待制韓昉館伴赴御寨

案傳脫書歸朝字遂不知昉以何官入金或卽此待制  
耶

明年加昭文館直學士 弔伐錄天會五年冊大楚皇帝  
文云遣使特進尙書左僕射同知樞密院事監修國史  
上柱國南陽郡開國公食邑二千戶食實封三百戶韓  
昉 案此多借遼銜並非實職不足據

改禮部尙書 弔伐錄天會八年冊大齊皇帝文云副使  
尙書禮部侍郎韓昉 書下當加監修國史 紀

遷翰林學士 案熙紀天眷二年六月有論唐太宗明皇  
語傳略

蔡松年 靖以燕山府降元帥府辟松年爲令史 燕雲  
錄燕山蔡靖其子松年與眷屬同處金人養濟甚厚與

渤海通事道奴燕市中合開酒店 王繪紹興甲寅通  
和錄金接伴使李聿興云蔡大學兒子松年見在三太  
子處作令史

松年爲太子中允 松年當削

松年爲行臺刑部郎中 松年當削

薦松年爲行部員外郎 松年當削

松年素與穀不相能是時宗弼當國 十四字當削

由是構怨 此下當加是時宗弼當國

是歲松年遷左司員外郎 是歲松年四字當削 案上

文兩是時下文一是年可厭

而海陵以宗室子在宗弼軍中任使 十四字當創作海陵同在軍中

遂以□□□□正旦使 空五字元作松年爲賀宋是南本注缺四字非 松年當削 案紀表皆有賀宋文松年字疊見可厭

海陵愛宋使人山呼聲 張端義貴耳錄孝廟時取北人于閤門充贊喝聲雄如鐘有京洛氣象嘉定來多以明台溫越人充聲皆鮑魚音矣

子珪 部曲錄蔡珪字正父餘杭人蔡靖之孫松年之子狀元楊建中榜及第葛王立除刑部侍郎

初兩燕王墓

至

據葬制名物款刻甚詳

一百十三字當

改作初中都東城外有兩燕王墓俗傳六國時燕王及太子丹之葬海陵廣京城圍墓在東城內嘗有盜發其墓東墓樞端題曰燕靈王舊珪定爲西漢高祖子劉建舊樞古字通用其西墓蓋燕康王劉嘉也作兩燕王墓辯據葬制名物款刻甚詳時人服其精當案文敘次雜亂爲之易其位置節其閑文語氣稍順夷堅志金天德三年五月以燕山城隘而人衆欲廣之其東南隅曰道州門西南曰西京門各有高邱俗呼燕王塚不能知其何代何王也及是立標將定基址東墓正妨礙郡

民于中夜聞人聲云燕王遷都皆出而觀之見鑾輅儀衛前後雜遡燈燭熒煌香風襲人羅列十里從東邸至西塚遂滅明日復然民以白府留守張君爲請于朝乃枉其壘以避之 案此宋人傳聞之譌

安國軍節度判官高元鼎

至

官贖外並的決

一百六十

七字當削作安國軍節度判官高元鼎以監臨姦事求援珪坐與王脩任詢閻恕高復亨翟詢等受請屬各笞四十 案文藝傳不合入此等事且珪係坐累者總屬閑文作手止圖文字稍長耳可厭

有補正水經五篇

歐陽元圭齋集補正水經序略云金

禮部郎中蔡正甫作補正水經三卷是書因宇文氏有經傳相混之說而因以正蜀板遷就之譌其詳于趙代間者則因景純之所難若江自潯陽以北吳淞以東則又能使道元之無遺恨者也 案序云三卷乃知史文五篇之譌至中州集作補亡四十篇尤非

作南北史志三十卷 中州集作六十卷

文集五十五卷 陵川集有讀蔡正甫集後詩

吳激 命爲翰林待制 此下當加天會十四年使高麗表

馬定國 作辯萬餘言 案定國石鼓辯主宇文周時所



造文佚不得見姚氏殘語載其略云溫彥威使三京得  
僞劉詞臣馬定國文云石鼓非周宣王時事乃後周文  
帝獵于岐陽所作也史大統十一年獵于白水遂西狩  
岐陽後人駁之者復齋碑錄研北雜志西神脞說趙古  
則石鼓釋文序金薤琳琅金石史等書取之者熊仁本  
石鼓論筆乘通雅金石文字記等書紛如聚訟余謂石  
鼓乃無年月古刻其文初未標明周代徒以文近車攻  
吉日之詩臆定爲周宣王猶以壇山刻石吉日癸巳文  
近穆天子傳定爲周穆王實則無徵不信固屬可疑乃  
疑之者又強指爲北周仍必泥于周代殊不可解至定

國之文稱西魏文帝爲後周文帝舛譌如此而人猶信之尤不可解要之石鼓時代雖難于臆斷必是先秦古物鄭夾漈摘叵段二文與秦斤秦權同疑爲秦刻亦不然也

任詢 書高于詩 書北作畫非

北京鹽使 案蔡珪傳宛平主簿婁室碑大名路都總管判官傳略

趙可 號玉峯散人集 案歸潛志可有讀碑事傳略

蕭永祺 同修國史 此下當加三年使宋還

胡礪 部曲錄胡礪字元化山東密州人少被掠 韓昉

使從良狀元及第是年出好生德洽民不犯上賦題亮  
時爲刑部尙書葛王立改翰林承旨

行臺平章政事高禎之汴

禎當作楨傳

禎責之

禎當作楨

禎曰

禎當作楨

禎壯其言改謝之

禎當作楨

改下當加容

歲民錢五千餘萬

歲下當加徵

百官賀於廟堂

廟當作朝

再遷侍講學士

集禮貞元三年十月撰慈獻皇后謚議

年五十五

寰宇訪碑錄胡礪碑劉仲淵撰張砥正書明

昌七年十一月鄞范氏拓本

王競 詔作金源郡王完顏婁室墓碑 作當作校 高

士奇扈從 東巡日錄云大金壯義王婁室墓神道碑  
高八尺八寸寬四尺五寸厚二尺二寸頂高三尺上鐫  
翰林院直學士中大夫知制誥兼行祕書少監虞王府  
文學輕車都尉太原郡開國伯食邑七百戶賜紫金魚  
袋王彥潛撰文奉政大夫大名路兵馬都總管判官飛  
騎尉賜緋魚袋任詢書丹額篆大金開府儀同三司金  
源郡壯義王完顏公神道碑攷金史王彥潛姓名爵里  
俱不載別載王競奉詔作婁室墓碑以行狀盡其實請

國史刊正之其名其爵與此不符今碑文鑿鑿可據足徵金史之闕略云 案高錄據碑駁傳是也竊意史館撰文必送太常校勘無競爲博士得預此議故下文有刊正國史時以爲法等語改作爲校庶可爲澹人解惑否

擢禮部尙書 部曲錄王競字無競相州人乃本朝王炎親兄嘗爲禮部尙書

是歲 當作十月

四年卒官 年下當加詔禱雨于北京尋

競博學而能文 而字當削

善草隸書 集禮天德二年篆永甯永壽兩宮冊寶又從  
單皇后冊寶又太妃蕭氏冊寶貞元三年篆慈獻皇后  
冊寶大定三年增諡睿宗并篆寶

兩都宮殿榜題皆競所書 圖經中都城各門外則墨書  
粉地內則金書朱地皆故禮部尙書王競書

楊伯仁 孟宗獻發解第一 孟上當加大定三年  
稱之 此下當加曰

改著作郎 改上當加伯仁

入爲左諫議大夫 此下當加使宋

池寒 池當作地

鄭子聃 部曲錄鄭子聃字純夫大定人先于亮初僭時  
楊建中榜第三人及第出天錫智勇正萬邦賦除翼城  
丞被召除書畫局直長至貞元四年亮令再試狀元及  
第是年出不貴異物民乃足賦爲翰林修撰尋遷修起  
居注葛王立除殿中侍御史兼侍讀學士 齊乘金末  
內翰鄭子聃知沂州作十愛詞云我愛沂陽好民淳訟  
自稀誰言珥筆混萊夷行見離離秋草鞠園扉 案子  
聃海世朝人于氏以爲金末誤

纂戩 纂當作纂

兼直學士 此下當加使宋還表

党懷英 應舉不得意 應上當加懷英

累除汝陰縣尹 尹當作令

能屬文工篆籀 寰宇訪碑錄憫忠寺禮部令史題名記  
大定十八年撰行書直隸大興重建惲國夫人殿碑二  
十一年撰分書山東曲阜舊縣村天封寺碑二十四年  
撰正書山東泰安石峽村王去非墓表二十五年撰分  
書山東平陰祝聖壽碑明昌元年撰分書山東濟甯普  
照寺照公開堂疏六年撰分書山東濟甯棣州重修廟  
學記六年撰趙渢正書山東惠民州學王荊公詩刻六  
年篆書山東濟甯重修文宣王廟碑六年撰分書山東



曲阜普照寺照公塔銘七年分書趙沨撰山東濟甯十方靈巖寺碑七年撰分書山東長清孔廟杏壇承安三年篆書山東曲阜谷山寺記泰和元年撰分書山東泰安

安  
六年有事于南郊 六當作七

謚文獻 湓水集有文獻党公碑

卷一百二十六

文藝傳下

目 王庭筠 此下當加注子曼慶

劉從益 此下當加注子祈

趙渢 大定二十二年進士 此下當加由襄城令入爲  
應奉翰林文字入謝上謂宰臣曰此党懷英所薦耶對  
曰諫議黃久約亦嘗薦之

周昂 年二十四 中州集作二十一

起爲龍州都軍 龍州卽隆州 官志諸府鎮都軍司都  
指揮使一員正七品

王庭筠 河東人 河當作遼 案金石萃編博州碑陰  
後跋云金之河東與唐宋異非也

劉昂 李純甫故人外傳云 八字當削 案句法非史  
家體裁且攷中州集所引屏山外傳語乃上文張秦娥

事故遺山下此語作結若下文昂早得仕云云自是遺山自敘並非外傳文紕謬抑太甚矣

宗室從郁 案柏鄉縣尉蘭君碑後有皇叔觀察使從郁詩刻見河朔訪古記卽此

劉從益 天會元年詞賦進士 元當作二 士下當加第一

其歲入七萬石 七當作二

流亡歸者四千餘家 中州集作二千

呂中孚 中孚有清漳集 有上當加孝友純至雅爲鄉人所稱累舉不第以詩文自娛 案史旣特爲中孚立

傳豈得僅以有清漳集四字了之中州集本傳數語必  
應補入

召爲官教 官當作宮

李純甫 正大末 當作元光間 案此承歸潛志之譌  
張子和儒門事親純甫卒于元光時

王鬱 少居釣臺 釣北作釣非

宋九嘉 入爲翰林應奉 爲下當加右警巡使

李獻能 文刻意樂章 文元作又是

王若虛 章宗宣宗實錄成 章宗二字當削

好問張信之喻以立碑事 好上當加元

乃令子忠先歸 六字當削作乃 案遺山集銘文先有  
嚴公遣子忠偕行故後有遣歸之語本文上旣已節去  
子忠事下文仍著此語是何根據

前行視夷險 前北作同非

王元節 大定三年 定當作安

麻九疇 以誤出 出當作黜

及知嘗師九疇 及當作乃

盡博其學 博元作傳是

劉微 微當作徵

李汾 呈翰表 表當作長

元德明 歷內鄉令正大中爲南陽令 十一字當改作  
正大中爲鎮平令轉內鄉丁母憂再辟南陽令 案史  
文先內鄉後南陽與陵川集銘先南陽後內鄉皆非也  
今据大德碑本改定又兩碑皆云天興初入翰林知制  
誥第攷錄大梁事崔立變後止稱左司員外郎縱有此  
命亦出立手史不取之是也

卷一百二十七

孝友傳

陳顏 顏艱關渡河 艱當作間

孟興 興下當加雲內人

王震 特賜同進士出身 特上當加明昌三年  
隱逸傳

序 其立心造行之異同 同北作固非

褚承亮 河朔訪古記真定西關外社壇西北隅城濠之  
側真定縣境上也有褚先生墓墓上小碑一通十二月  
謁拜墓下

王去非 党懷英醇德王先生墓表先生諱去非字廣道  
上世東蒙人系出琅琊諸王遷居平陰之石峽邨其先  
世曾祖及祖臻考通皆有隱德先生束髮知學問爲文  
章不屑爲進取計嘗試有司不合卽屏去舉業益探六

經百家之言務爲博瞻精詣雜取老莊釋氏諸書采其  
理要貫串融會歸諸大中要本于吾儒修身養性之道  
自信而力行之其發于情接于物者求諸古人或難焉  
鄉人化服翕然咸尊之先生無他營獨妻孥耕織以給  
伏臘弟子贄獻資以惠人十常居八九人有求貸者先  
生不能給更貸諸富家約以時償及期其人以喪告先  
生曰信可失乎賣田代償之棄其券不復問嘗適野有  
遺金帛于路者爲守視不去須其人還訪與之門人班  
忱親老子稚不能朝夕女已及笄先生爲辦妝具擇士  
壻嫁之因以成家賴以婚娶者甚眾比鄰有喪東出則



犯禁而眾不利南則鄰者忌之西北則人居不可行先生曰世甯有死而不得葬者葬而害眾甯獨任之乃壞其蠶室之壁出焉里中惡少嘗遇醉酒嫚罵先生恬無愠色復引之坐罵益甚久之始去明日惡少來謝先生爲避不見或曰彼恃酒以逞謂當少加責誚奈何反避之先生曰彼之來旣知過矣見之必重其愧是以避也惡少聞之感服更析節爲善先生之教人皆因其材而勉其所可至凡所荅問得孔子教仁教孝之意或挾他道見則就其所學而引之正有問以釋氏之戒定慧道家之攝生者則對曰易之寂然感通中庸之中和詩之

思無邪非定慧與孔子荅顏淵視聽言動勿以非禮非  
戒與易之慎言語節飲食孟子之養心寡欲非攝生與  
蓋未嘗深詆佛老而其徒往往自棄其學而學焉先生  
制行不爲崖異有請焉無賢不肖必爲之盡言或怪其  
不擇曰善者我進之不善者我勉之誠均入于善奚必  
擇焉故受業于門者人皆以爲厚于己也先生歿門人  
議謚之皆曰先生之德所謂大醇者非耶乃名曰醇德  
於是進士楊好古以太山先生李守純之狀與涿郡軍  
事判官東平趙渢所錄事實來京師屬鄙文以表諸墓  
懷英昔年宦游山東是時東阿張子羽在平馬定國奉

符王頤東平吳大方與其兄大年郭弼趙憲懿申公綽  
諸公與先生相友善講論道義援據古今以孔孟所傳  
爲諸儒倡其後出者聞于朝處者行于鄉雖隱顯不同  
而皆以先生爲歸諸公相繼棄世幾二十年先生獨無  
恙其力道益強傳道益宏信于人者益著士大夫聞先  
生之名過者必見車者必式石峽舊以安樂名鄉後邑  
之賢者改曰居賢著其行也先生有曰君子得志則行  
道不得志則明道不必與邪說辯辯而勝尤激怒之其  
害道滋甚故孰將闢之甯自翼之孰將驅之甯自扶之  
邪說之勝久矣善爲道者其在扶而翼之與蓋與韓愈

歐陽修同所以行之或異二子達而顯其用力易故決以剛先生窮而約其用力難故順以化所遭者然也故子論其功與二子表裏云先生性非書無所好晚歲構堂曰困拙日以名教自樂蓋得于性命之說爲深死生之際泊然大定二十四年十二月二十二日終于家享年八十有四諸孤與門人以明年正月二十有五日常奉先生之喪葬于三山先塋之側先生前是以年得官九品及葬遂以其服禮也葬之日四方來送者三千餘人叢立巨崖爲崩嗚呼異哉銘曰古學搶攘道有裂淫慝滅性恣剽竊已潰不支矧可遏或激其瀾益善決惟

韓歐陽道未溺偉哉先生復世出所遭雖殊用則一守  
經會異正塗闢有來歸之使順適儒雅振振被鄉邑兒  
童知書曰成德噫天生賢鮮遏抑惟窮而隱徒乃集岳  
神降靈要終嗇剗然響裂應萎哲三山泉谷隱封鬣不  
亾者存此其息高風凜然世所式以詔後人視諸石

北鄰有喪 北當作比

大定二十四年卒年八十四 案博州廟學記大定二十  
一年立文載去非年八十一正合

趙質 案秋澗集家傳作植易名質梁肅傳大定初上書  
人卽此

金鑣王絡 鑣當作鑣 王元北並作玉是

薛繼先 字曼卿 此下當加猗氏人

監察御史石玠行部 卽武仙傳之行部石子堅

張潛 案厲氏遼史拾遺引武清縣志以爲遼人非也續

夷堅志所云張古人卽此

王汝梅 生徒以法經就學者 經中州集作理

辛愿 自是生事益狼狽 狽當作狼

## 卷一百二十八

循吏傳

序 承海陵彫勅之餘 勅已作勅與元本合

盧克忠 貴德州鳳集人 地志作奉集

牛德昌 府尹王伯龍 案傳天德三年合

范承吉 天眷初 眷當作會

凡數千人 北無人字非

所入增十數萬斛 數當作餘

王政 辰州熊岳人也 辰州明昌六年改葢州史未追

改故仍遵舊稱辰州

及金兵伐宋 金兵二字當削

除同知金勝軍節度使事 金勝軍未詳

遷保靜軍節度使 案地志北京建州作刺史非節鎮

遵古有傳 有上當加子庭筠 案遵古無傳僅附見子  
庭筠傳 章紀承安二年六月以澄州刺史王遵古爲  
翰林直學士 寘字訪碑錄昌甯公廟記王遵古撰正  
書大定十三年山西汾陽

張奕 字彥微 微當作微

都統完顏魯補 魯上當加阿

李瞻 以爲興平府判官 府當作軍

金兵圍汴 金兵二字當削

劉敏行 凡遷 凡下元有九字是

傅慎微 喜著書嘗奏興亡金鏡錄一百卷 案世善堂



書目有之疑僞 寰宇訪碑錄宗城縣宣聖廟記傳慎  
微撰翟炳正書正隆三年四月直隸大名

劉煥 樞密使僕散忽土家有條結工 條元作條是  
案忽土卽師恭

孫德淵 興中州人也 州當作府

趙鑑 案此傳當在孫德淵傳前

石林元 僕撒掃合 撒元作散是

武都 遷樂州刺史 樂元作灤是

由海道漕遼東粟賑山東 案此事爲元人海運之漸

蘇保衡傳海陵命造舟通州率師泛海竟趨臨安則在

前矣 北盟會編紹興三十一年七月崔陟上兩府劄子云金人戰船係是福建人倪蠻子打造七百隻皆是通州樣子已發在濱州蒲臺縣伺候閱習

紇石烈德 肇州升爲武興軍節度 升上當加復

張特立 元史入隱逸傳

躬耕杞之韋城 韋當作圉 案此据地志歸潛志作汜之圍城尤非

左丞侯擊 擊元作摯是

固劾省掾高禎輩 固元作因是 禎元作楨是 案下文作楨歸潛志同

左遷邳州軍士判官 士當作事

王浩 洛陽令張特立 此下當加高陵令宋九嘉葉令  
劉從益 案二人皆列文藝不得云無傳想作此傳時  
未立文藝之目故止云三人至列傳後必當改加爲合  
乃總裁失檢處

三人有傳 三當作五

高陵宋九嘉 五字當削

葉縣劉從益 五字當削

卷一百二十九

酷吏傳

高閭山 案攷異云閭山死國事可掩其罪故酷吏傳可省而不及合住者以合住等尤不足錄也

蒲察合住 人知其蠹國而莫敢言 蠹北作蠹非 言下當加累官祕書監權吏部侍郎

佞幸傳

蕭肄 以手劒釐其口 釐當作務

張仲軻 宋余康弼 康元作唐是 案攷異亦云當作

唐

宋賀正旦使施臣 臣元作巨是 案北盟會編作施鉅

字大任

李通 累官右司郎中 此下當加改左司使宋還表紀

阿里骨列 阿北作河非

拜參知政事 此下當加憂制起復如故紀

曰朕昔從梁王至無懷疑懼 六十字當削作語已見紀

白晝公行 晝北作晝非

大理正耶律道 此卽九十卷名按之移刺道正本傳作

丞

當厚加旌賞 旌北作施非

見白兔 兔已作鹿

於是尙書省 於是二字當改作十一月

拊髀歎曰 拊北作推非

馬欽 嘗仕江南 案宋高紀紹興十五年三月甲子遣  
敷文閣待制周京馬觀國史愿諸將程師回馬欽白常  
皆還金國

是日起前翰林待制大穎至故復用穎而放欽焉 五十  
二字當削 案文已見世宗紀

蕭裕 海陵爲中京留守與裕相結 東京二字當削  
裕當削

密謂海陵曰 海陵當削

海陵竟成弑逆之謀者 海陵當削 竟當作後

除裕兵部侍郎 裕當削

海陵雖自良鄉召還 雖當作乃

以裕爲祕書監 裕當削

傾險巧詐 四字當削

海陵殺宗本 海陵當削作遂

海陵旣詔天下 六字當削

海陵賞誅宗本功以裕爲尙書左丞 海陵當削 裕當

削

海陵以命裕謂裕曰 以字當削 謂裕二字當削

裕爲右丞相 裕當削

裕在相位 裕當削

藥師以其言奏海陵 奏上當加入 海陵當削

海陵以爲忌裕者眾不之信又以爲人見裕弟蕭祚爲左副點檢 爲忌裕者眾不之信又以爲十一字當削

爲左衛將軍 左北作在非

海陵弟太師究 海陵弟三字當削作又

而海陵猜忌嗜殺裕恐及禍 而海陵當改作且見其裕當作終

往結西北路招討使蕭好胡好胡卽懷忠 好胡好胡卽

五字當削



詞林典故  
招折前爲中丞以罪免以此得詣懷忠 十五字當削

懷忠問招折 招折當削

因執招折收朗 招折當削作之并

遙設亦與筆硯令史白荅書 遙上當加會

使白荅助裕 白荅當削

命殺白荅于市 白荅當削

點檢徒單貞 點上當加適

遇見白荅問其故因止之徒單貞已奏變事 十七字當

削作遂

海陵使宰相 海陵當削作復

裕卽款伏 裕當削

引見裕 三字當削

海陵復問曰 海陵當削

海陵復謂裕曰 謂裕二字當削

又謂之曰 謂之二字當削

屯納往之詳茶扎家 之詳當削

罪當贖 罪上當加議

藥師嘗奏裕有怨望至是賞之云 十三字當削 案傳

文凡一千四百言三十九裕字三十三海陵與前昭妃  
傳三百四十言十一海陵十一阿里虎定哥傳七百六

十言十五海陵二十四定哥八藥師奴彌勒傳一百六十言八彌勒五拱字徒單恭傳六百七十言二十三斜也十四海陵十兀魯與後秉德傳七百八十言二十四秉德十二海陵唐括辯傳五百四十言二十六辯字十三海陵烏帶傳四百六十言十四烏帶十海陵大興國傳五百八十字十三興國十海陵徒單阿里出虎傳四百六十言九阿里出虎僕散師恭傳六百七十言九師恭十四忽土九海陵徒單貞傳一千四十言三十四貞字十四海陵李老僧傳二百九十言十老僧十海陵等同爲一副筆墨不知此種拖沓文法何自得來大抵世

宗喜暴海陵蟄惡是以史臣多迎合上旨不厭費辭專取明白易曉便可求得美官一時遂爲風尙而圭齋失于刪削矣

胥持國 使宋 案此使紀表不詳當在明昌二三年

承安三年 三當作二

同知安豐軍節度使事 案全州磐安軍節度使治安豐

縣或承安始立時曾名安豐耶

起知大名府事 名當作興

紀

不宜典軍馬 軍北作君非

如貨酒樂平樓 樂平元作平樂是 案官志作平樂

卷一百三十

列女傳

阿鄰妻 案阿鄰失詳氏族

韓慶民妻 慶民不屈而死 案慶民節度宜州已降復

叛

太祖紀天輔七年正月宜州降二月復叛

故本紀書法與殺平州張敦固

同例

太宗紀天會二年十一月閏母下宜州殺節度使韓慶民

世宗節操一語專指

其妻言也傳云不屈死非實錄 又案遼史拾遺云天

祚亾殉國者寥寥故遼史無忠義傳慶民亦忠義中一

人史何以不爲立傳其妻不屈于金而死宜改入遼史

列女傳余謂慶民妻當入遼史是也慶民則遼史不應

立傳但以其降金復叛被殺事附見其妻傳中可也

雷婦帥氏 剗臂肉 剗北作封非

阿魯眞 乃冒險自拔南走 冒北作冒非

獨吉氏 千家奴之女 千家奴卽思忠

蒲察氏 鄜州帥訥申之女 帥北作人非

完顏仲德妻 親運矢石於城下 陵川集仲德行院詩

云夫人徒步自拔來命婦搬礮自我始是也

### 卷一百三十一

宦者傳

序 惟海陵時有梁琬章宗時有梁道李新喜天政 天

元作干是

梁琬 以閹豎事海陵 豎當作豎 案攷異云當附佞

幸傳是也

宋珪 案攷異云當附忠義傳是也

方伎傳

目 案改次已見總目以下傳次亦隨改焉

馬貴中 海陵伐宋 海上當加五年正月

去年十月甲戌熒惑順入太微至屏星留退 宋志紹興

二十九年十月辛未熒惑順行犯太微垣西上將十二

月辛酉留太微垣內屏西南星

鎮戎軍地震 鎮上當加二月辛未

志

伏陰逼陽 五行志作伏陽逼陰非

二月甲辰朔日有暈珥戴背 十一字當改作七月乙酉

月食九月丙申太白晝見先是

志

前年八月二十九日太白入太微右掖門九月二日至端  
門九日至左掖門出 宋志紹興三十年八月癸亥太  
白順行犯權大星丁巳犯掖左角少民星

十年十一月 此上當加九年爲高麗生日使

武禎 哀宗至蔡州 哀上當加天興二年六月

天興二年 四字當削



宋帝問曰 宋元作未是

李慶嗣 洛人 洛北作洛非

所著傷寒纂類四卷改證活人書二卷 並見世善堂書

目疑僞

針經一卷 亦見世善堂書目疑僞 案諸家書目每好

妄列亡書以誇收藏之富未足盡信

紀天錫 大定十五年上其書授醫學博士 案輟耕錄

作宋人非

劉完素 乃撰運氣要旨論至注二萬餘言 四十一字

當改作大定中嘗自序其說云自漢末南陽張仲景述

傷寒方論以詔後學近世朱奉議本之作活人書間有未合處由未知陰陽變化之道所謂木極似金金極似火火極似水水極似土土極似木者故經曰亢則害承乃制謂已亢過極則反似勝已之化也世人誤似作是以陽爲陰失其意矣因編集九篇三卷勒成一部名曰內經運氣要旨論復宗仲景傷寒雜病脈症方論集成一部三卷名曰醫方精要宣明論且以識病之法歸于五運六氣之化謹率經言二百餘字特舉二百七十七言獨爲一部名曰素問元機原病式又著傷寒直格十卷素問病機氣宜保命集三卷

然好用涼劑 江湖長翁集題養老書云諸子得此書其  
術中國所傳藥食好涼中土宜用之東南當審處之  
以降心火益腎水爲主 腎元作腎是

自號通元處士云 此下當加章宗承安間詔徵不就賜  
號高尚先生 云字當削 案河間醫學不獨爲金源  
一代偉人自可卓立千古史家敘次率略并時代不詳  
大非知人論世之旨故取其自序并附逸事繫年以補  
之

張元素 自爲家法云 此下當加大定末與完素齊名  
號曰劉張時論謂完素用藥推陳致新不使稍有怫鬱

正造化新新不停之義苟學者未悉其蘊則劫效目前  
陰損正氣遺禍後日者多矣元素用藥依準四時陰陽  
升降而增損之正內經四氣調神之義苟學者未盡其  
妙則瞑眩之藥終不敢投失機後時者多矣能用其長  
而無其弊則庶幾乎子雲岐子璧能世其業 案潔古  
不著書此采其弟子李東垣評語庶可見潔古之學自  
足與河間抗衡當世

張從正 其法宗劉守真 守真當作完素

多取效 此下當加宣宗朝召入太醫院旋告去名重東  
州

言本一  
號張子和汗下吐法 北無法字非

此庸醫所以失其傳之過也 所以二字當削

有六門二法之目 二當作三

卷一百三十二

逆臣傳

秉德 起復爲兵部尙書 復下北有後字非

乃與秉德謀弑熙宗 秉德當削

以秉德爲右丞相 秉德當削

時秉德方在告 秉德當削

以秉德首謀廢立 秉德當削作其

言秉德有福 秉德當削作其

貌類趙太祖 案宋使見宗翰有此語子忠以其孫遂附會之

秉德妻 秉德當削作其

秉德招刑部侍郎漫獨曰 秉德當削作又

殺秉德 秉德當削作之

追復秉德官爵 秉德當削

施爲佛寺 卽壽康宮

唐括辯 海陵謂辯曰 至將如我何 一百三十二字當

削改作語詳海陵紀熙宗怒

俱會於辯家 辯當削作其

辯等以刀藏衣下 辯等二字當削作各

辯嘗言 辯當削

辯因設饌 辯當削

嘗與辯觀太祖畫像 辯當削

海陵指示辯曰 辯當削

由是疑辯益忌之 疑辯二字當削

與徒單拔改 卽下阿里出虎父

後辯子孫上書 辯當削作其

烏帶 言本名烏帶 案諸本並以言本名三字綴于上

唐括辯傳尾烏帶二字提行大誤攷異云可笑之甚是也

烏帶爲平章政事 烏帶當削

烏帶妻 烏帶當削作其

故出秉德已而殺之 八字當削改作故殺秉德

以秉德世襲猛安謀克授烏帶 十二字當削 案此授

複見下文縱世襲與本封或異亦何必兩番敘出

進右丞相 進上當加遂

海陵與烏帶告秉德事 與元北並作以是 烏帶當削

作其



烏帶獨免 烏帶當削

知烏帶率百官出朝惡之 十字當削改作知而惡之

詐爲烏帶哀傷 烏帶當削

子塘 塘元作塘是

大興國 且度興國無罪被杖 興國當削作其

興國固辭不敢 興國當削

興國取符鑰 興國當削

以興國爲廣甯軍 興國當削

再賜興國錢千萬 興國當削

徒單阿里出虎 遂許以女妻阿里出虎子 阿里出虎

當削作其

以阿里出虎爲右副點檢 阿里出虎當削

尙榮國公主合女 合女未詳

阿里出虎伏誅 阿里出虎當削作遂

僕散師恭 本名忽土 本上當加或作思恭 案師思

音近乃異文歧出史以爲改名非也傳首旣題師恭傳

中亦作師恭明師恭與思恭無異也 又此傳敘事前

半俱稱忽土後半俱稱師恭判若兩人殊乖史法

忽土許之 忽土當削

忽土爲左副點檢 忽土當削

賜忽土第一區 忽土當削

命忽土與蕭懷忠北伐 忽土當削

忽土入舜甯德太后 忽土當削

幹魯補 補北作袖非

師恭臨刑 師恭當削

遂族滅之 族北作旋非

兄渾坦 此下當加自有傳

徒單貞 忒黑闥刺人也 黑闥作里 案顯宗后傳作

里

貞與海陵 貞當削

以貞爲左衛將軍 貞當削

封貞妻 貞當削作其

正隆二年 二當作四

至貞第 貞第二字當削

召貞詰之 貞當削

降貞爲安武軍節度使 貞當削

拜貞御史大夫 貞當削

以貞女爲皇太子妃 貞當削作其

除貞爲太原尹 貞爲二字當削

貞卽引伏 貞當削

貞停職否 貞當削作已

降貞爲博州防禦使 貞當削

降貞妻爲清平縣主 降貞二字當削作其

轉何中尹 何元作河是

賜貞妻 貞當削作其

帶以妻殞 帶上當加烏元作言以妻殞 案言卽烏帶

之名然本傳及各傳俱稱烏帶

貞妻梁國夫人 貞當削

無何 此下當加故葬

王脩傳

貞妻進封梁國公主 貞當削

李老僧 海陵以爲省令史 海陵當削

使老僧結興國 老僧當削

終爲海陵取符鑰 爲海陵三字當削

以老僧爲同知廣甯尹事 老僧當削

馬牛各二百 二北作一非

老僧由是不忍致亨死罪 老僧當削

再使小底訛論促老僧 老僧當削作之

老僧乃與亨家奴六斤 老僧當削

故榜殺之 此下當加耶

海陵以老僧 海陵當削作又

遂降老僧爲易州刺史 老僧當削

完顏元宜 部曲錄耶律勸農使人不知其名止以勸農  
呼之亮寇淮甸除威勝統軍弒亮者此人首謀也葛王  
立除平章政事 又耶律母里哥勸農之子自宿直將  
軍殺亮後除蠡州刺史又除右翼都監

頗涉煩碎 頗北作顏非

紇石烈執中 詔左丞相襲征伐 詔下當加從 征伐  
當作北征

涿州人 州當作水

李炳 炳當作仲略 傳

貪殘專恣

至

豈容有跋扈之臣

九十七字當削改作語

見鑄傳

武衛軍鈴轄

鈴元作鈴是

由元通門入

元通元作通元是

遽召漢軍

漢上當加大

永定軍節度使

永北作水非

獨文學田廷芳奮然曰

文學紀作拾遺

以爲右副元帥

右紀作左

泰甯軍節度使

泰北作奉非

論 世家聲其罪

家當作宗



國欲不亡 亡北作云非

卷一百三十三

叛臣傳

序 故作叛臣傳 元無故字是

張覺 何可輒爲叛逆 可元作苦是

張敦固等皆加徽猷閣待制以銀絹數萬犒軍 十八字

當削

入于燕京 此下當加州人執其父及二子以獻

紀

責宋安撫司 安撫司三字當削

匿之於甲仗庫 於甲仗庫四字當削

金人識之 金人當作宗望

安中不得已至及金人伐宋 六十六字當削改作安中

不得已殺覺函其首以與使人其後伐宋 案此乃史官襲宋文入金傳不知其語氣不合也

子僅言 案昭德后傳作謹言又考異云不當入此是也擬改入敬嗣暉傳後

役夫掘地 夫北作犬非

銀汞 汞北作永非

贈輔上將軍 輔下當加國

耶律余睹 遼史本傳一名余都姑國族之近者也慷慨

尚氣義保大初歷官副都統其妻天祚文妃之妹文妃  
生晉王最賢國人皆屬望時蕭奉先之妹亦爲天祚元  
妃生秦王奉先恐秦王不得立深忌余都將潛圖之適  
耶律撻葛里之妻會余都之妻于軍中奉先諷人誣余  
都結附馬蕭昱撻葛里謀立晉王尊天爲太上皇事  
覺殺昱及撻葛里妻賜文妃死余都在軍中聞之懼不  
能自明被誅卽引兵千餘并骨肉軍帳叛歸女直會大  
霖雨道途留阻天祚遣知奚王府蕭遐買北宰相蕭德  
恭太常袞耶律諦里姑歸州觀察使蕭和尙奴四軍太  
師蕭幹追捕甚急至閭山及之諸將議曰蕭奉先恃寵

蔑害官兵余都乃宗室雄才素不肯爲其下若擒之則  
他日吾輩皆余都矣不如縱之還給云追襲不及余睹  
旣入女直爲其國前鋒引婁室孛革兵攻陷州郡不測  
而至天祚聞之大驚知不能敵率衛兵入夾山余睹在  
女直爲監軍久不調意不自安乃假游獵遁西夏夏人  
問汝來有兵幾何余睹以二三百對夏人不納卒

太祖於國中 國下當加書

沈瑋招集居民還業者三千餘遷太常少卿 十七字當  
改入沈瑋傳

今聞汝謀叛 叛北作判非

殺萬餘人 此下當加四年宋主因國信使蕭仲恭付以蠟書託構余睹仲恭歸上其書而余睹不知也 案太宗之見疑余睹之終叛職此之由豈容略去故據紀補其宋人黃絹間諜結構書全文載弔伐錄今已錄入交聘表注

余睹留西京 案八年有追討大石事見韓奴石家奴傳此略

余睹謀反 金節要兀室獵居庸關之東憩于山上遙見二騎馳遞者相遇于道立馬交談久而分去兀室疑之命數騎追一人至詰曰爾何人也曰余睹使者以軍前

詣燕山槁里統軍司兀室曰爾適相遇者彼何人也曰  
彼乃槁里統軍司之詣余睹者兀室曰爾等適立馬話  
及何事曰問候兀室曰非也問候之語無許久又曰話  
別兀室曰亦非也話別之語無許久又曰敘家事兀室  
曰家事故非立馬敘又曰敘往事兀室曰往事亦非立  
馬敘馳者詞窮面赭又且戰慄不已兀室察其言色兼  
素疑余睹槁里皆契丹反覆之徒因以詐折之曰我知  
爾二人爲余睹輩謀者近有人密告余睹槁里反期于  
今日各有使至我故來此伺之果得爾輩夫何隱焉馳  
者果余睹議反者也彼謂兀室果知故不敢隱余睹之

叛由是敗粘罕自燕山令兀室西捕余睹兀室至雲中  
余睹已走兀室盡誅余睹殘黨

蕭特謀 謀下當加葛

紀

移刺窩斡 語在鶴壽傳中 鶴壽當作蒲睹

括里收餘眾趨京 京上當加東

討平之 平字當削

蕭頤 頤當作曠

紀

於是白彥恭爲北面兵馬都統紇石烈志甯副之 白上

當加樞密副使 紇上當加開封尹

完顏穀英 完上當加中都留守

世宗使移刺扎八 此上當加大定元年十月

正隆六年 四字當削

吾扎忽 案本傳復有僕散渾坦神土瀝此略

詔曰尙書省 詔曰當作又詔

授眞定總管 定字當削

及屯川州武平縣 平當作安

淄州刺史尼廕古鈔兀 淄州刺史當改作慶陽少尹

傳

賊畧餘騎 畧已作四百

爲驍騎萬戶 爲上當加烏延查刺

紀

右宣徽使亨 亨上當加宗



以紇石烈志甯爲元帥右監軍 此下當加右副元帥完

顏謀衍

紀

謀衍里斜哥 里元作男是

起運在中都弓萬五千箭一百五十萬至懿州 十八字  
當改入上發驍騎軍二千文上

平章政事移刺元宜甯昌軍節度使宗敘入見詔使自中  
道卻還軍中宣諭元宜謀衍注意經略邊事師久無功  
四十三字當削改作先是平章元宜將人見詔使自  
中道還軍令宣諭謀衍師久無功注意經略邊事及甯  
昌軍節度使宗敘入見備奏謀衍用兵不合事機狀

案文敘次不明今據紀傳改訂

尙書右丞僕散忠義 尙上當加會

忠義拜平章政事 忠義拜當作卽拜忠義

以大名尹宗尹爲河南路統師使 十三字當削作以

蠹費財用 蠹北作露非

以兵五千 思敬傳作三千

宗亨統之 亨北作京非

與右翼軍戰 與上當加復 右當作左

又其部族皆降 此下當加窩斡西走志甯宗敘追躡至

七渡河敗之踰渾嶺復襲之 案文兩戰不容略去據

紀傳補

溫迪空阿魯帶 空元作罕是

詣右都監完顏思敬 此下當加降

其後宋季世輔 季元作李是

卷一百三十四

外國傳上

西夏 事具遼史 案入紀收國元年乙未爲乾順雍甯  
二年其歷世改元已詳交聘表茲不錄

奉詔有之 之當作云

天會二年乾順遣把里公亮等來 天會二年已作三月

辛未

獲二帝 此下當加立張邦昌爲楚國

乃畫陝西分界 案文詳弔伐錄已載入地志

涇原 此下已加路

乃知爲夏將李過 宋本傳延安帥臣王庶遣諜問其用  
事臣李過卽此

天眷二年國王乾順薨 宋本傳紹興九年六月四日殂  
謚曰聖文皇帝廟號崇宗墓號顯陵在位五十四年長  
子仁孝立

請置榷場許之 此下當加六年正月復賜以邊地

紀

初王阿海等

至

始遣使賜之

九十一字當改入下如舊

禮文下

案據紀表改移

初暴洎以環州降

至

詔書責讓之

五十四字當改入上

皇統元年文上

暴洎當作慕洎元作暴有尤非案

洎奔夏國在天眷元年夏人族洎在天眷二年與宋本

傳紹興十一年六月夏樞密使慕洎弟濬謀反伏誅正

合

詔書嘉獎

此下當加乞互市從之

紀

完顏達吉不

不字當削

夏遣其武功大夫細臥文忠等

細當作紐

表

屢以爲請 案表大定四年梁維忠六年李克勤兩奏是也

任得敬抗禦有功遂相夏國二十餘年 宋本傳紹興三

十年

卽正隆五年夏天盛十二年

夏封其相任得敬爲楚王

宋以蠟丸書荅得敬 宋本傳乾道三年五月夏臣任得

敬遣間使至四川宣撫司約共攻西番虞允文報以蠟書七月使再至夏人獲其帛書送于金人六年得敬以謀篡伏誅

乃減罷保安蘭安榷場 蘭安當作蘭州

先是尙書奏 書下當加省

明昌四年仁孝薨 宋本傳紹熙四年九月二十日仁孝  
殂年七十在位五十四年謚聖德皇帝廟號仁宗墓號  
壽陵長子純佑立

承安六年 六已作五

泰和六年三月仁孝弟仁友子安全廢純佑自立 宋本  
傳開禧二年正月二十日廢遂殂在位十四年謚昭簡  
皇帝廟號桓宗墓號莊陵崇宗孫越王仁友子安全立  
大安三年安全薨 宋本傳嘉定四年八月五日殂在位  
四年謚敬穆皇帝廟號襄宗墓號康陵族子遵頊立  
族子遵頊立 宋本傳齊國忠武王彥忠之子

金兵敗績于會河堡夏人乘其兵敗侵略邊境而通使如故 金當作我 其當作我 案衛紀大安二年八月侵葭州韓玉傳三年有陷邠涇圍平涼事 又案紀崇慶元年三月遣使冊李遵頊爲夏國王十二月謝封冊表同傳略

攻保安州 此下當加犯慶陽府

紀

陷涇州 涇當作鞏

夾谷守中傳

詔移文荅之 案宣紀貞祐二年八月丁未作責之

移文責問 案紀十一月辛未作荅牒

三月攻環州 三當作二

紀



詩林十  
三月詔議伐夏 紀在五月

優給其有 有元作直是

起析橋 析元作折是

斬馘其眾 其元作甚是

詔封還其牒 詔北作討非

慶山奴 奴北作如非

敗夏兵于寇安堡 寇安當作安塞

紀傳

宣宗與皇太子議伐夏 案胡土門石倫慶山奴三傳皆

無文惟塔不也傳有此語亦空言耳

五月夏人入葭州 案紀五月乙酉歸國人言元兵攻夏

王城遵頊出走西涼傳略

三年閏月 閏當作四

金師敗績 金當作我

是月詔有司 是月當作丙子

乃解去 此下當加十月犯綏德州合達敗之

紀傳

詔樞密院 樞北作樞非

白撒連敗之 此下當加十一月攻安塞堡合達追襲之

大潰

紀

遣人伐將 伐當作代

三年二月遵頊死 宋本傳嘉定十六年遵頊自號上皇

寶慶二年殂年六十四在位十二年諡英文皇帝廟號神宗子德旺立

七月德旺死 宋本傳丙戌七月殂年四十六在位四年廟號獻宗

嗣立者史失其名 宋本傳清平郡王子南平王昀立二年丁亥秋爲大元所取國遂亡 案宋金二史皆元代所修夏主名昀見于宋史而史臣全不檢照以爲失名疏略乃至于此

卷一百三十五

外國傳下

高麗 高麗國王王楷 案高麗史肅宗明孝王諱熙立

于丁丑爲女眞穆宗四年下文有使聘等事睿宗文孝  
王諱侯立于丙戌爲女眞康宗四年下文有攻戰等事  
且入紀收國元年乙未文孝已在位十年不應率然以  
王楷冠首據始事當云國王王熙據入紀當云國王王  
侯 又歷世改元亦詳交聘表

保東年山 年已作牟與元本合

穆宗時 東國史略肅宗明孝王諱熙字天常二年東女  
眞寇鎮溟縣東北面兵馬使金漢忠遣判官康極與戰  
克之斬首四十級 案此戰事傳略明孝二年戊寅爲

言部十一  
穆宗五年

醫者歸至高麗 史略有東國醫自完顏部來言女真居  
黑水者部族日強兵益精悍王使相通卽金之先也  
部族日彊 彊元作疆非

復遣斜葛與幹魯罕往聘 史略明孝八年東女真太師

盈歌來朝 案往聘來朝各成史法史略作八年非當

在明孝八年癸未卽穆宗十年方與世紀及本傳合

二年甲申高麗來攻 史略明孝八年命門下侍郎林幹

伐女真女真者本靺鞨遺種散居山澤未有統一盈歌  
雅束爲其長頗得眾心界上有連山險絕人馬不得渡

間有一徑俗謂瓶頂若塞其徑則女真路絕故邀功者  
獻議請出師平之幹與女真戰于定州城外敗績初內  
侍林彥主出兵之議直史館李永曰兵凶戰危不可妄  
動彥當無事時欲出兵生釁不可也王不聽幹又邀功  
引不戰之兵遽出與戰遂敗復以尹瑾爲東北面行營  
兵馬都統與女真戰斬三千餘級我軍死傷陷沒者過  
半軍勢不振遂卑詞請和結盟而還

輒至杖蔓 杖元作枝是

其嘗陰與高麗往來 其北作兵非

康宗以爲能 史略明孝九年乙酉王薨太子卽位諱侯

字世民肅宗子睿宗 案此卽康宗三年

築九城 史略睿宗文孝二年時咸州以北沒于女真睿宗有恢復之志將伐女真發兵十七萬以尹瓘爲元帥吳延寵副之瓘與中軍兵馬使金漢忠左軍兵馬使文冠右軍兵馬使金德珍各統兵由定州分道而進梁維善鄭崇甫甄應陶等領兵船出麟浦道會之擊破女真一百三十五村斬四千九百四十級虜一千三十人乃相地築英州雄州福州吉州咸州宜州及通泰平戎公嶮鎮等九城使林彥作記勒功于英州廳壁又立碑于公嶮鎮以爲界凱旋王賜功臣號迎勞之 案二年丁

亥爲康宗五年

罷九城之戍 史略文孝四年還女真九城初朴景緯金  
漢忠皆以兵深入敵境多置城鎮爲難守禦尹瓘不聽  
卒如其言再出師亦未免敗軍之責時羣議多不同王  
猶豫未決諫議金緣曰人主之取土地本欲育民也今  
爭城而殺人莫如還其地而息民王然之盡以九城還  
之女真來謝獻金 案四年己丑爲康宗七年

命如右撒喝 右元作古是

卽當別議 史略文孝十二年改抱州爲義州防禦使以  
鴨綠江爲界置關防金兵攻遼遼耶律甯與常孝孫等



牒我甯德城以來遠抱州三城歸之遂泛海而遁我兵入其城收兵仗錢穀甚多 案十二年丁酉爲太祖天輔元年歸城事傳略

增築長城三尺 史略文孝十四年增築長城三尺金邊吏發兵止之不從金主飭邊吏毋得侵軼生事

可常遣人偵伺 史略文孝十八年癸卯王薨太子卽位 諱楷字仁表睿宗子仁宗 案此卽天輔七年亦天會元年

使習顯 此上當加七年 案下文稱先父國王當爲恭孝嗣位改元之癸卯歲

此與先文國王之書 此北作比非 文當作父 案二  
國盟誓未定訃報不通故有此誤

高隨斜野

至

命高隨等還

案文五十八半又見表

同知南路都統鶻寶荅奏

至

雖捷必罰

案文五十四字

又見紀

一依事遼舊制

史略仁宗恭孝六年宋遣刑部尙書楊

應誠等來諭假道迎問二帝于五國城王荅書曰若使  
節假道入境金必猜疑生事不敢奉命且附表以謝應  
誠不受而去 案恭孝六年卽天會六年此事與本傳  
有涉故附錄

六年楷薨 史略恭孝二十四年丙寅王疾大漸傳位太子  
子昞薨太子卽位字曰昇仁宗子毅宗

高麗使者別有私進禮物 案此事與宋史本傳紹興三  
年崔惟清同

王昞弟翼陽公皓廢昞自立 史略毅宗莊孝二十四年  
八月幸普賢院武臣鄭仲夫等殺扈從文官以王還宮  
迎王弟翼陽公皓卽位放王于巨濟縣初金使來相金  
敦中甚驗毅宗異之亦使人問曰寡人壽幾何使曰滿  
朝臣盡逝然後有臨川之患及庚寅之亂文臣皆被害  
而王亦遇淵上之變 又皓字之且毅宗母弟明宗

太宗正丞弘 太元作大是

其言與前表大槩相同 史略明宗光孝元年遣工部郎中庾應圭如金作前王使上表告以讓位金主曰廢兄篡位造飾虛詞欺罔上國合行天討應圭辯對不屈不食五日立庭待命金主嘉其忠乃授回詔慰而送之仍遣完顏靖詢問前王傳位事故王稱前王已避位出居他所病篤不能就位拜命路又險遠非使者所宜往以故不得見前王王乃具前王表附靖行 案光孝元年辛卯卽世宗大定十一年世宗紀及本傳皆不載庾應圭事史略似屬緣飾卽其事果眞亦篡賊之死黨耳何

忠之有

是歲十二月將盡 月北作年非

詔執徐彥甯等 執北作報非

王皓定趙位竈之亂遣使奏謝 史略光孝四年西京留

守趙位寵起兵討鄭仲夫李義方檄召西路諸城崑嶺

以北皆應之平章事尹鱗瞻率三軍至崑嶺與戰敗績

西兵陷和州西北郡皆陷後一年鱗瞻與將軍杜景升

元德秀等攻拔西京城斬位寵 案四年後一年爲大

定十五年王寂拙軒集送田元長接伴高麗奏告使詩

云蝸國弄兵食裂地螳臣將命自呼天卽此

睥權國事 史略光孝二十七年秋九月崔獻宗廢王放  
于江華立王弟平涼公旻改名睥靖孝元年金宣問使  
孫侯來詰遜位事必欲親見前王授詔門下侍郎趙永  
仁曰前王養疾南州計程三十日乃至侯曰苟如是不  
必親授遂傳于王

是歲皓薨 皓下當加廢泰和二年 史略靖孝五年前

王薨于昌樂宮 案五年壬戌爲章宗泰和二年

暉嗣立 史略暉字至華明宗弟神宗

王暉薨于猷嗣立 史略靖孝七年王患疽傳位太子移  
御德陽侯邸薨 又孝成王諱德改猷字不陂神宗子

熙宗

詔從之 此下當加崇慶元年王薨廢漢南公祿嗣立

史略元孝王諱禩字大華明宗子康宗 又崔獻忠廢

王立漢南公貞改名禩康宗元孝元年遣中書舍人李  
儀如金奉表請命金遣大理卿完顏惟基來冊立金使  
欲入自儀鳳正門知奉事琴儀往諭曰天子巡狩方岳  
自古有之若大國駐小國當入自何門耶使荅曰天子  
出入捨中門而何儀曰然則人臣由正門可乎使屈乃  
入西門

王薨薨嗣子未行起復 薨當作禩 案王薨廢後不詳

薨年此乃誤也據下文及史略可考 史略元孝二年  
王不豫傳位于太子順薨太子卽位 又安孝王諱暉  
字大明舊諱順又改旼康宗子高宗 案安孝元年爲  
宣宗貞祐二年

又不可以草土名銜署表 土北作上非

興定三年 案宣紀興定二年四月蒲察五斤表奏遼東  
便宜阿里不孫貸糧高麗不應以兵掠其境上命五斤  
詔諭使知興兵非上國意又表以詔付行省必闌出諭  
貸糧開市二事傳略

然自是不復通問矣 史略安孝七年義州別將韓珣郎



將多智等殺其防守將軍以叛附東女真兵馬使金君  
綏遣使寄書于元帥弓哥下誘誅之 案安孝七年爲  
興定四年

國語解

官稱 都勃極烈 勃極烈已作貝勒滿洲語管理眾人  
之稱下字董義同 案官志三字官長之皆稱撒改傳  
云尊官也解云猶漢冢宰似附會

諳版 已作按班滿語大臣也舊作夷离畢 案熙宗諸  
子傳贊漢語云尊官也官志云尊大之稱  
官之尊且貴者 且北作漢非

國論 案此官獨有兼稱斜也兼辰撒改兼忽魯阿窩合  
懋兼乙室餘不多見

移賚 賚當作資

乙室 已作伊實唐古特語智慧也 案與解迎迂之官  
異

札失哈 當作阿舍 紀志傳

詳穩 已作詳袞索倫語理事官也 案說已見塗山傳  
烏魯古 案官志羣牧注言滋息也

補 合札親軍也蒲里衍謀克之副 兵志 聞刺漢語行

人也 安禮傳 案說已見官志

又官志詳穩注麼忽習尼昆

羣牧注掃穩脫朵並無解

人事 蒲陽溫曰幼子 已作費揚古 案歡都胙王元

傳皆云幼弟也解小異

按荅海客之通稱 已作塔哈滿語客也 案元太祖紀

注按荅華言交物之友

什古乃瘠人 已作實庫乃滿語撒袋內襯格也解異

撒合輦鰲黑之名 已作薩哈滿語小園也解異

阿里孫 里下當加不

阿里喜圍獵也 案兵志士卒之副從

拔里速角鯢戲者 已作巴爾斯滿語巴爾虎也

兀木曰頭 已作烏珠滿語頭也

粘罕心也 已作尼雅滿語心也又作尼堪滿語漢人

也 案宗翰傳本名粘沒喝漢語譌為粘罕

石哥里 當作石里哥

烏古出方言曰再休 案本傳云殘忍非義

凡事之知者曰石倫 知元作先是 石北作后非

習矢 矢元作失是

補 僕鶻漢語惡瘡也世紀 搖手而拜為撒速禮志 烏

魯幹魯注思版皆福壽語烏魯傳 烏古迺厚有福

德烏古出傳 子為阿渾宗義果傳 賽眼好也國志柳邊紀略甯

古塔俗尚少者遇老者于途必鞠躬垂手而問曰賽音賽音者漢言好也金史作賽痕夫

謂妻為薩那妻謂夫為愛根

附

大石

已作達什唐古特語吉祥也

烏祿

已作烏魯滿語是也

斜也

已作

舍音滿語色白也

撻懶

已作達蘭蒙古語七十數

幹离不

已作活里布滿

語使留也

烏帶

已作烏達滿語買也

痕德

已作赫德滿語渣滓也

習

古迺

已作實古納滿語審問也

唐古

已作唐答滿語百數也

阿魯帶

已作

已作阿魯岱蒙語山陰也

婆盧火

已作博勒和滿語潔淨也

鐸刺

已作喇

蒙語下也

突呂不

已作圖魯卜蒙語形勢也

阿木魯

已作額蘇倫蒙語梵

天也

阿忽帶

已作阿固岱蒙語寬也

速魯

已作蘇魯克蒙語牧羣也

合住

已作和卓滿語美好也

瓜頭

已作奎騰蒙語冷也

蒲捏

已作甯

滿語 羣也 穀英 已作固雲滿 語才能也 孛迭兒 已作拜達勒 蒙語形象也

咬查刺 已作伊札爾 蒙語根源也 法心 已作佛紳 滿語柄也 涅兒

已作鼎爾 蒙語和也 忙哥 已作孟克蒙語 經常之經也 幹赤 已作鄂爾齊蒙

語金 剛也 阻 已作準布滿 語提擲也 斛羅 已作呼魯滿 語手背也

高琪 已作果勒齊 滿語中心也 屋質 已作烏珍 滿語重也 習捏 已作實納

滿語 新也 乃蠻 已作奈曼蒙 語口口也 撒都刺 已作薩都拉 滿語結親也

夔离不 已作庫哩布滿 語被咬住也 也速 已作伊蘇蒙 語九數也

察八 已作徹伯爾 蒙語廉潔也 脫出 已作達春滿 語敏捷也 捨例 已作

錫里滿語 選拔也 忽刺出 已作呼喇楚 蒙語積聚也 捏古刺 已作尼古

喇蒙語 罪孽也 哇 已作幹滿 語氣味也 伯 已作拜蒙語 不動之謂也 卜魯

罕

已作布爾罕  
滿語佛也

素温

已作素璣  
滿語黃色也

高十

已作果實

滿語疼

霸突魯

已作巴圖魯  
滿語勇也

鄯陽

已作善延  
滿語色白

也愛也

捺鉢

已作巴納滿  
語地方也

回离保

已作和勒博  
滿語聯絡也

刺履

已作拉里滿  
語爽利也

木華黎

已作穆呼哩  
滿語秃尖也

敵列

已作迪里索  
倫語頭目也

物象

案此條與下物類何異而分門陋矣中間改去太

神斜魯活臘胡三解入上人事其餘皆可與下物類併

爲一條

貳鄰海也

已作特里蒙語齊整也解異

銀术可珠也

已作尼楚赫滿語珍珠也

沙刺衣襟也 已作舒嚕滿語珊瑚也解異

補 納葛里漢語居室也活羅漢語慈烏也

世紀 列

腰帶也

謝里忽傳

必刺河稱

說見地志遼陽下

又世宗紀

大定二十五年十一月速撒海無解

附

婁室

已作洛索滿語極溼難耕地也

達魯河

已作達倫滿語飲馬處也

魯

不古

已作羅卜科滿語渾泥也

野里

已作伊爾滿語鋒刃也

渾黝

已作

琿楚滿語

留幹

已作瑯和滿語海白魚也

散觀

已作索多蒙語鳥翅

大翎

阿速

已作阿蘇滿語網也

喝魯

已作赫嚕滿語車輻也

粘

沒罕

已作尼瑪哈滿語魚也

拽刺

已作伊喇蒙語黍也

窩幹

已作

滿語袖頭也

阿散

已作阿薩爾蒙語閣也

矧思

已作舒蘇蒙語高粱也



胡沙虎

已作呼沙呼  
滿語鵲也

實理門

已作實勒們  
滿語鵲子也

阿興

已作愛新  
滿語金也

鬆哥

已作蘇赫  
滿語斧也

粘合

已作聶  
赫滿語

鴨

鐵哥

已作特爾格  
滿語車也

禿刺

已作圓刺  
蒙語柱也

譌魯

不兒

已作烏蘭巴兒  
蒙語紅虎也

斜軫

已作色軫  
滿語車也

白荅

已作

布達滿  
語飯也

奚底

已作希達滿  
語門廉也

巴葛刺

已作喝布  
拉蒙語天

靈蓋也

托古

已作託古  
蒙語金也

不吾刺

已作保刺蒙  
語雄駝也

抹只

已作穆濟滿  
語大麥也

懇篤

已作罕都  
滿語稻也

蒲莧

已作  
布希

滿語膝也又  
去毛鹿皮也

補地志

得勝陀國言忽土皚葛蠻

會甯注

化成關國

言曷撒罕西

曷蘇注

東梁河國名耳魯忽必刺

滿語

注

清河國名叩隈必刺

注 埧樓

陷泉國言落字

魯

注 臨漢

龍駒河國言喝必刺

注 長泰

白濩國言

勺赤勒

注 桓州

燕子城國言吉甫魯灣

注 柔遠

苑

北羊城國言火唵

注 柔遠

狗濩國言押恩尼要

注 寶山

注

日月山國言捏里塞一山

注 寶山

古北口國

言留幹嶺

注 密雲

松亭關國言斜烈只

注 濛州

合

斯罕關

注 齊傳復州

居庸關國言查刺合攀

注 昌平注已作齊喇

哈番 查刺滿語嚴也合攀滿語官也

姓氏

此文全本陶九成輟耕錄為數三十有一皆譯姓

者 案世章兩朝詔女直人不得譯為漢姓如完顏曰

王蒲察曰李石抹曰蕭移刺曰劉雖有譯語仍禁改稱  
若徒單稱孟氏朮要甲譌趙氏古里甲易吳氏烏古論  
改劉氏女希烈朮魯爲高氏耶律爲王氏此則不用  
譯語竟自改稱故尤禁之也

金史詳校卷十

同治癸酉四月己酉朔烏程汪  
日楨校寫于會稽學署說經堂

金史詳校卷末

烏程施國祁學

史論五荅

楊拙園手錄全謝山與杭堇浦論金史五帖見示并書云  
南宋雜著小種甚多而宋金二史率不取之識疑久矣比  
讀謝山內外集見其引辯詳博有契於心錄呈備攷因作  
此以荅之行間雜入小注亦以書事稍僻惟恐不出於人  
之意時重光協洽壯月也

荅一 內集第三帖

金初國裏朝廷獨重部族卽君漢人不得廁其間雖劉彥  
宗時立愛等能得君而居大位僅鎮平州燕京不入上京

其召入上京在帝左右者惟韓企先一人

後韓昉亦入上京侍熙宗企

先於天會十二年拜右相奈紀文脫略

太宗紀天會十二年脫書拜右相事

熙宗紀皇統六年

傳語盜襲

嫌田穀黨禍碑文多槩括語傳襲用之故止五百字

治

功多失詳

本傳世宗云企先關洪大政不使外人覺知

第據入見時太宗驚異

有朕昔夢此人今果見之之語熙宗方位諸版視同四皓

其內廷祖孫授受明良際會密議良多惟是西京元帥功

高勢橫蔑視本朝隱爲心腹大患夜半前席當必借籌及

之明年太宗崩熙宗卽位幼主年少氣銳忌權畏逼日夕

刺心

不改元不立后不奉水等事

設使調劑偶疏君臣間隙一開或致

猖狂犯闕非若後日宗磐撻懶之叛可以一旅悉殄者會

粘罕一聞哀詔奔喪入朝

此事紀傳皆失載据集禮知當在二月乃一大關節

卽留

任太保獨領三省隆王爵而放兵權猛虎入牢稍就束縛

又爾時武功將戢文治漸興朝章設施大典並舉

追諡太祖后妃

改葬太祖定三國朝儀太皇太后崩葬追尊九代祖頌大明厯等

雖其桀驁性成儼在駿

奔未執異議

集禮十三年三月尊諡太宗右丞相宗翰攝中書令進冊九月尊諡徽宗右丞相宗翰攝

太尉奉寶

且自念勲業小就亦不肯輕肆狂謀迷其進退優柔

饜飫盡收兇鋒不二年而高劉伏法竟以隱忍沒地

十五年七月

月乃知企先坐鎮中朝潛消默奪能使少主無殺大臣之

名而大臣得以功名終可謂得賢相之體審是而粘罕事

可知矣惟粘罕之待宋人貪暴已極南人恨之入骨意謂

必受惡報誰料其得保首領以歿而好事者

張匯金

因撰

造牙軍一敗獄中一書

枯罕獄中上書云臣聞功大則謗

之論以周公之聖也當成王卽政之日以言其業則未感也  
也以言其時則未太平也以言其君則幼君也周公是時  
建功立事制禮作樂盡忠竭力勤勞王家公之功德編于  
詩書流傳于天下自古及今于世無媿焉尙有四國流言  
誅弟之過也况後世不及周公者乎臣今所慮者輒敢辨  
于陛下念臣老矣臣于天會之初從二先帝破遼攻宋兵  
無五萬之眾糧無十日之儲長驅深入旌旗指處莫不請  
命降遼宋二主及血屬並歸囚虜遼宋郡邑歸我版圖方  
今東瀕大海西徹狼溪南連交廣北抵室韋罔不臣妾然  
以大金創基洪業繼治盛朝先帝所委臣之力也又扶持  
陛下幼冲以臨大寶而天下成王之勢也臣之功勤過  
于周公之日賴成王之聖慮也今臣雖出其言在陛下察  
其情臣再陳前日之罪御林牙兵忽然猖獗干冒陛下用  
臣出師之任臣受命欲竭駑鈍之力盡淺鮮之謀以狂葦  
指日可定不期耶律潛伏沙黨後反交攻凡三晝夜勝負  
未分猶可力戰奈杜充提草已歸人馬凍死御林牙兵知

我深入重地前不樵蘇後又糧斷所以王師失利又副將  
外家心生反逆背負朝廷外家之反叛有其由也知父兄  
妻子並作御林牙軍兩軍發難其外家將軍下數千騎自  
亂我軍使臣不得施此大敗之罪也非臣怠慢願陛下察  
臣之肝膽念臣有立國之功陛下有繼統之業貸臣蠅螋  
之命嗚呼功成名遂身退天之道也臣嘗有此志貪戀陛  
下之聖意眷慕陛下之宗廟躊躇猶豫以至于此使臣伊  
呂之功反當長樂之禍願陛下釋臣縲紲之難成臣五湖  
之游誓竭犬馬之報汗以卑辭并高慶裔臨刑數語慶裔臨刑枯旱哭別之慶裔曰  
我公早聽某言事豈至今日誣爲謀反確證必使身敗名  
某今死矣我公其善保之

裂而後已特不知牙軍何賊戰敗何地逞茲小醜何勞都  
帥親征偶爾小負何遽大功鐫沒又書所引成王周公交  
廣五湖等字繆陋不堪乃南宋蒙師之稍能把筆者爲之  
卽慶裔之語不過宵小私恩勸其初不奔喪繼乞西帥免



受朝廷節制耳抑不知果有此語否豈得卽以謀反陷之

乎且諦觀荅詔意旨

下粘罕詔門下先王制賞議罰賞所以褒有功非濫恩也罰所以誅有罪

非濫怒也朕惟國相粘罕輔佐先帝曾立邊功迨先帝上

仙朕繼承丕業眷惟元老俾董征誅不謂持吾重權陰懷

異議國人皆曰可殺朕躬非敢私狗奏對悖慢理當棄磔

以彰厥過嗚呼四皓出而復興漢室二叔誅而再造周基

去惡用賢其鑒如在

布告中外咸使聞知與獄書風馬不涉此乃誅撻懶天眷二年

入詔文傳會成獄者文云曾立邊功指撻懶六部都統事

粘罕不止邊功也眷惟元老指其屬尊非必高官陰懷異

議指其倡議以河南地與宋獄書辨冤有何異志皆曰可

殺指上變者二叔卽宗磐宗雋

七月

四皓卽企先皆援實

事非泛引也或曰能造僞書不能撰僞詔乎非也宋金誓

約凡大詔令兩界必有關牒故藉詞牽合以陰蟻之則可

若竟杜撰奈當日耳目何又威烈皇帝本傳不載不知兀

术亦謚昭烈皇帝

見征蒙記

皇統濫爵已爲正隆削降又或以

熙宗厭惡老臣夫粘罕豈止厭惡哉然天眷以來熙宗尙

未酒荒至其孫秉德復爲右相乃中海陵奸謀是時真酒

荒矣大抵宋人承紀遼餘習

元好問耶律貞銘通鑑長編及遼錄北顧備問等書多

敵國誹謗之詞可盡信耶

其說金事之謬有三一曰傳聞一曰附會一

曰誹謗皆不甚足憑

史世紀凡叢言松漠紀聞張棣志等書皆無足取

而數百年

讀書人多惡視金源左袒南宋每得無稽之野史

其尤謬者鈔本

無名氏竊憤南遷二錄子金源雜興第二卷偽書詩中深斥之卽刊本宇文懋昭大金國志亦不可盡信

咸喜

談而樂道之而金史又多脫略嫌諱尤非易讀讀者稍加涉獵輒嗤爲疏謬雖大家不免卽此誣獄一事熙宗紀中宗翰傳後本無可載無已因細疏熙宗初政右相韓企先當日事狀作粘罕對證其誣可立辨矣

予雜興第一卷粘罕誣獄詩注已略

言

惟以獄書爲江南蒙師所撰荅詔自屬撻懶無與粘罕

事爲作僞者竄合古來未經道破此係鄙解不識有當否

荅二 外集第一帖

范石湖高宗輓詩注載亶亮二主皆在聘使中帖云語甚荒唐是也攷弔伐錄金初與宋通使例遣孛堇一人遼渤各一人專取桀黠有口辯者借官以出惟時郎君總事

貴重賜相拜不爲禮豈肯輕使下國故熙宗皇統以前入

宋者並無完顏與主亶已自無涉更据交聘表

原表甚略用鄙著本

皇統二年至海陵天德二年多在紹興時完顏使宋者凡

九人二年三月冊宋使禮部尙書宗表無傳宗室表宗字

兄弟行二十六人中無此名係同部人梓宮使點檢賽里

宋高紀作宗賢

乃幹魯孫見本傳末三年十一月賀正使宣徽華

宋楊愿傳作畢

無傳表亦無名亦部人五年四月生辰使點檢宗

尹乃幹論子有傳七年四月生辰使點檢卞爲太宗後表

云世次無攷

北京留守見海紀宗本傳

與列傳者不同十一月正旦使

點檢宗藩無傳二十六人中無此名亦部人天德二年正

月報諭使指揮思恭卽思敬石土門子有傳二月生日使  
兵部尙書元宜乃耶律氏賜姓俗呼勸農使者見逆臣傳  
自此至紹興末遂無之與主亮又奚涉哉惟天德元年十  
二月賀正使點檢充本名梧桐時海陵方行弑逆畏宋伐  
謀重其事故遣親弟因在都亭病亟不克入賀遣使追回  
以副使劉箴代行蓋因此事致有附會之說第石湖究以  
使事未實此詩竟不經進改本以呈是條辨正已與劉一  
止茗溪集陸放翁劍南集等詩辨略載入金源雜興第一  
卷齊國劉豫詩注矣

荅三

外集第二帖

宇文虛中兩傳金史以才負謫死宋史以忠被誣死說者

多據在金三詩以證其忠豈知三詩非出于一時不盡然

也其一云云滿腹詩書漫古今頻年流落易傷心南冠終日囚軍府北雁何時到上林開口摧頰空抱

朴脅肩奔走尙腰金莫邪利劍今誰在不斬奸邪恨最深指恨王時雍耿南仲輩庸奸

誤國爲天會四年計議使被留時作其二云云遙夜沈沈滿幕霜有

時歸夢到家鄉傳聞已築西河館自許能肥北海羊回首兩朝俱草莽馳心萬里絕農桑人生一死渾閒事裂眚穿

曾不汝忘蓋痛微欽北狩辭氣悲壯似有狗節之意爲六年所

請使再留未降時作無如金人優廩宋官縻以好爵王繪甲寅

通和錄載李聿興言本朝制度多是宇文相公所定真是喜歡時復支賜宅舍都滿虛中自念故國

已非新恩甚渥遂爾負才惜死忍汗朝命卽有議禮制度

荅粘罕詔書武元碑撰增諡冊文

見集禮

等事其三云云

不堪

垂老尙蹉跎有口無詞可奈何強食小兒猶解事學妝嬌女最憐他故衾愧見霑秋雨短褐甯忘折海波倚杖循環如可待未愁乃皇統初家屬北歸後作蓋虛中去國已十來日苦無多

餘載春來何處風吹不歸

王灼碧鷄漫志有詞云寶幡彩勝堆金縷雙燕敘頭舞人間那

識春來處天際雁江邊樹故國鶯花問誰主舊許爲牧羊歎憔悴幾番霸旅把酒祝東風吹取人歸去

之蘇今改而爲循環之李英雄氣短兒女情長尤無俚之

甚矣且金人以遼亡不懼遼故二韓相繼入相宋未亡尙

懼宋故宇文輩止領閒職不假重權何自有國師之命陰

結死士謀挾故主南奔之事其當辨者凡有五焉自廢齊

差除後酈李孔徐張趙諸將馬祝馮李諸官散處各路少

主又居上京皆遠隔百千里外不知所約何時何地一也  
又金人諜知南朝深鑒明受之禍因流言少主脅制高宗  
彼岳武穆尙以小皇一奏觸忌斃獄果使虛中挾之南歸  
實逼較甚何處頓放其才且出海陵下我知斷不爲此二  
也又諸書言兵仗南奔先發不克似以兵死者而宋傳被  
誣焚死乃與金傳略同三也又言連結中外官守多至七  
十餘人何以鞠治時其家一無書字蹤跡止取圖書爲反  
具四也周益公二跋亦祇痛宇文以流言掇禍一門并命  
極表其忠深著賊檜之惡乃謂虛中真有鴈足帛書而不  
得遂夫諸留人刺事上京張孝純獻策中州皆達臨安試



問此書果誰寄之而誰復得之耶說更誣矣五也要之宋  
事無徵而金史之言謗訕則可據蓋宋人南渡受侮已極  
朝野冤聲尤多著錄土印活板濫刻甚眾傳本之入北者  
大率叫囂怒罵慢侮北人之語宇文家籍良必有之卽謗  
書爲反具抑復何疑更攷虛中入金所著不槩見可見者惟此三

詩一惟劉壎隱居通議載北人龍波子琴譜一序語極擲

揄口角竊意龍波當爲虛中晚年自號龍溪之譌故定爲  
宇文作亦可据之一節也善夫椒邱何氏曰金人得于所  
見而不能無所諱宋人得于所聞而亦未究其心要難與  
死節者比此論最合豈有舍洪忠宣朱觀如之鄙棄爲未

實而反据程宏圖之疏李大諒之記爲足憑乎後之說者  
當詳味三詩核諸時事思過半矣高士談在金曾撰飲仁  
謚冊文最佳見集禮又篆固礪墓額見松漢紀聞及藏金儒鳴玉  
寶琴者見雲煙過眼錄亦虛中一流人而以爲同謀則非也

荅四

外集第四帖

于侍郎欽非地志家著齊乘一書多臆說卽志濟南豈獨  
劉豫墓蠹哉顧亭林山東攷古錄指其誤華不注爲靡笄  
誤平臺城爲故軍不識漢志句讀以鄒縣改鄒平不識晉  
志闕文以梁鄒入鄒縣不識唐志錯刻以營城爲營城又  
元魏城西之大明湖謂卽宋城內之大明湖唐之雒山湖

亭謂卽宋城上之雒山亭引水經湖水側城北注文下卽  
接上承東城厯下泉語湖厯相混厯城志並詆之是也又  
言金初劉豫置濟陽縣大定六年避金主允濟諱改曰清  
陽夫以皇子諱改縣名必無此例史志亦無改清陽之文  
且允濟終于太子未爲金主況在世宗朝而豫稱太子爲  
金主有是理乎去金亾不數十年其帝系已誤矣惟記濟  
南讀書堂有王秋澗題當年齊相讀書堂此曰金華表佛  
幢碧色尙餘書帶草綺疏猶是聚螢窗一詩是爲豫作他  
無可證竊意雒山墓蠹固屬譌傳而御莊石馬自在必謂  
上京兩世不能歸骨阜城亦非篤論蓋阜昌諸孫有千戶

驛權府事恩總管濟等見于遺山集

賦山水及書懷詩又江城子詞學古

錄

福建總管墓碑

二書載其世爲大名人士著尙如舊也更攷松

雪集有送于思容詩云若到濟南行樂處城西泉上最關情題爲山東廉訪照磨正其官所著書時乎

荅五

外集第五帖

河渠志載始于大定初年故云金克宋兩河悉畀劉豫豫  
亾入金數十年決塞遷徙無定亦知熙海二朝曾有河事  
多順文略去而天會間劉豫事尤不數及若非齊乘載其  
堰灤水分響河以益小清則阜昌治績墟矣惟于氏以導  
灤水爲導小清并改大清爲古濟水則大非蓋北清河故

道濟水最南漯水在中河水最北

禹貢雖指引黃子  
鴻說與閭百詩同此古

來河流遷變之大端亦古來志水家承傳之經論豈可以臆見撰造漫誣後人哉鄙著詳校中自引齊乘堰灤外略采諸書如大金國志李固渡一則夷堅志陽武下埽一則齊乘馬車瀆一則爲皇統時事中州集劉迎河防行一則爲正隆時事並據原文注入小小補綴難免望漏謬承足下愛我錄文備攷敢不竭所見以對奈諸書自寓灾被焚後無由再輯如上數篇半從記憶而得畫影樵題何以仰副盛意足下今之謝山弟其敢謬承堇浦耶中有未是處幸更有以教我

金史詳校卷末

金史詳校末

同治癸酉四月己酉朔烏程汪  
日植校寫于會稽學署說經堂